

2. Asabai-sebebije

Asabai-sebebijje jest ono lice, koje nasleđuje zaostavštinu svog oslobođenog roba iz razloga (sebeba) toga, što ga je oslobodio i opet ostao njegov zaštitnik (مولى العتاقة).

Osloboditelj nasljeđuje od oslobođenog roba onda, ako isti ne ostavi nikoga od nasljednika po krvnom srodstvu (§§ 606—616 Ahk. šer.; vidi III—3).

(Nastaviće se)

M. HANDŽIĆ:

KADI AHMED-ČELEBI

Pjesnik Ahmed-čelebi je rodom iz Tuzle; pripadao je kadijskom staležu; pjevao je na turskom jeziku. Kada se je rodio i kada je umro nije nam poznato. U jednoj staroj međzmui zabilježena su dva njegova kronograma. Jedan je iz 1009 (1600/1), a drugi iz 1013 (1604/5) godine. Iz ovog saznajemo, da je ovaj naš pjesnik živio u prvoj polovici jedanaestog vijeka po Hidžri (Vidi: Književni rad bos. herc. muslimana str. 56 broj 52).

Prvi od spomenutih kronograma glasi:

فضل الله افندی حضرتاری سلمه الله تعالى و ابقاه بوسنه سراینده سلجوق سلطان
مدرسه سنه فتوا ایله مدرس اولدقارنده طوزلوی قاضی احمد چلبی دیدکاری تاریخدر:

| | |
|----------------------------|---------------------------|
| عمله فضاله انکشت نا | لاین خدمت درس و فتوی |
| فیض حق فضلی افندی کیم انوک | معترف فضله جمله علما |
| الدى فتواى سرايى چونکیم | طولدى سلواتله قلوب فضلا |
| اشیدوب احمد داعی دادن | ددی تاریخ . اکا فضل . ولا |

(۱۰۰۹)

Ovo je kronogram, što ga je spjevao Tuzlak Kadi Ahmed-čelebija kada je Fadlullah ef. — Bog ga spasio i sačuvao! — postao muderis medrese Seldžuke-sultanije u Sarajevu, a usto mu još dato da fetve izdaje:

U znanju i vrlini na njeg se prstom pokazuje.

On je dostojan za ders i fetvu.

To je Božji dar Fazli efendije, čiju

Vrlinu priznaju svi učenjaci.

Postao je u Sarajevu muftija

Pošto je utjehom napunio srca odličnjaka.

Kada je to čuo Ahmed, koji iz srca dovu čini,

Rekao je kronogram: Nek je njemu Božje dobročinstvo! (1009).

Iz ovog kronograma saznajemo da je 1009 godine Fadlullah ef. imenovan muderisom Gazi Husrev-begove medrese u Sarajevu, koja se u staro vrijeme često nazivala medresom Seldžuke-sultanije. Seldžuka-sultanija je majka Gazi Husrevbegova, a on je ovu medresu i napravio u slavu svoje majke. Saznajemo još i to, da je Fadlullah ef. bio u isto doba i sarajevski muftija, iako ga Sejfudin Kemura u svojim Sarajevskim muftijama nije spomenuo. Fadlullah ef. je ostao u toj službi do 1013 (1604/5) godine, kada je premješten u istom svojstvu u Beograd, kako razabiremo iz drugog kronograma, koji glasi:

فاضل مرقوم ینه باغرادده یحیالو عازی محمد پاشانک مدرسه سنه مدرس اولدقارنده
مزبور احمد افندی ایشا بیوردینی تاریخدر:

| | |
|------------------------------------|-------------------------------------|
| کاشف مسئله مشکل پیر و برنا | واقف علم نبی مصدر فضل علما |
| وارث فخر رسل فضلی افندی کیم انوک | معترف معرفت و فضله جمله بلغا |
| حق بوکیم خیلی زمان مدرسه یحیالو | درس دن خالی ایدی وقف محمدپاشا |
| وار ایسه همتی روحانی در مرحومک | شمدی اولورسه اولور جمله بلغراد احیا |
| درس و فتوا سنه اول فاضل دهرک تاریخ | حمدلله هنوز بولدی یرینی فتوی |

(۱۰۱۳)

Ovo je kronogram, što ga je spjevao rečeni Ahmed ef. kada je spomenuti odličnjak postao muderisom medrese Jahjalu Gazi Mehmed paše u Beogradu:

Onaj koji otkriva teška pitanja starim i mladima.

Poznavaoc pejgamberske nauke, izvor učenjačke vrline.

Nasljednik Ponosa pejgambere, Fadli efendija,

Za čije su se znanje i vrlinu složili svi rječiti.

Dugo je vremena medresa Jahjalu

Mehmed paše bila bez predavanja.

Veledušjem i snagom duše umrlog

Sada će cio Beograd oživjeti.

Kronogram dersu i fetvi toga odličnjaka ovog vremena je:

(Hvala Bogu istom je sad fetva našla svoje mjesto) (1013).

To su podaci, koje imamo sada pri ruci o životu našeg pjesnika

Kadi Ahmed-čelebija, Tuzlaka.

Kadi Ahmed-čelebi
6113126

- 1 MEHMET FATİH GÖKÇEK, IV. Murâd'ın Bağdâd'ı fethine dair iki eser: Nûrî İbrâhîm, Fetihnâme-i Bağdâd-Kâdî-zâde Ahmed Çelebi, Fetihnâme-i Bağdâd (transkripsiyon-değerlendirme), Marmara Üniversitesi, Doktora, 2013